


Suara

MITASA



PEMANGKIN KEJAYAAN BERSAMA



OMBUDSMAN
DAN UNIVERSITI

MESYUARAT AGUNG
TRI TAHUNAN MITASA
2025-2028

MAJLIS SAMBUTAN HARI
DAN BULAN AKADEMIKA
UITM 2025

PEMBENTANGAN LIMA KERTAS KERJA
KESETERAAN PENYELIAAN MELIBATKAN
KENAIKAN PANGKAT

WACANA TOKOH: BAHASA DAN JATI DIRI
BANGSA DI KONVENSYEN 152 PERINGKAT
KEBANGSAAN 2025

Isu Moral Dalam Masyarakat Malaysia: Seks Pra-Perkahwinan & Pengguguran Kandungan

Wan Salwana Wan Sulaiman
Pensyarah Fakulti Seni Reka (Tekstil)

Isu moral dalam masyarakat Malaysia merupakan tajuk yang amat kompleks, berlapis-lapis dan penuh dengan dilema yang sukar untuk dipisahkan daripada realiti sosial, budaya dan agama yang membentuk identiti negara. Malaysia, sebagai sebuah negara yang kaya dengan kepelbagaian kaum dan agama dengan majoriti penduduknya beragama Islam sejak dahulu lagi telah berpegang teguh kepada nilai-nilai moral tradisional yang menjadi tunjang utama dalam kehidupan masyarakat. Nilai-nilai ini menjadi panduan dalam membentuk jati diri, tatasusila dan hubungan sosial yang harmoni. Namun, dalam era globalisasi yang pantas di mana pengaruh budaya asing, media digital dan arus kemodenan setiap lapisan masyarakat, nilai dan norma moral yang selama ini dijunjung tinggi mula menghadapi cabaran besar. Perubahan ini tidak sekadar mencetus pergeseran nilai tetapi juga menimbulkan keresahan dan kebimbangan yang mendalam dalam kalangan masyarakat dan pihak berkuasa.





Fenomena peningkatan aktiviti seksual pra-pernikahan yang dulunya dianggap tabu kini semakin menampakkan bayang-bayangan di segenap pelosok negara. Meskipun kadar ini masih rendah jika dibandingkan dengan negara-negara maju yang lain, namun ia tetap menunjukkan trend yang mengganggu tatanan nilai moral tradisional. Aktiviti ini bukan sahaja dianggap sebagai satu pelanggaran terhadap norma agama dan budaya, terutamanya dalam kalangan umat Islam yang dominan, malah ia turut membuka pintu kepada pelbagai risiko kesihatan awam. Kehamilan yang tidak dirancang, peningkatan penyakit kelamin dan tekanan sosial yang hebat terhadap remaja serta keluarga mereka merupakan antara kesan yang tidak dapat dipandang enteng. Kegagalan menyediakan pendidikan seks yang menyeluruh dan tepat pada masanya menjadikan golongan muda lebih mudah terjerumus ke dalam situasi berisiko tinggi ini. Ketidaksediaan untuk berbicara secara terbuka mengenai seks dan reproduksi hanya menambah parah keadaan, memperhebatkan stigma dan mengurangkan peluang untuk pencegahan yang efektif.

Selain itu, isu pengguguran kandungan juga menimbulkan dilema moral dan sosial yang sangat berat di Malaysia. Undang-undang pengguguran yang masih dipengaruhi oleh kod penal warisan British menyaksikan bahawa pengguguran secara sukarela tetap dilarang kecuali dalam situasi tertentu seperti menyelamatkan nyawa atau menjaga fizikal dan mental wanita hamil. Namun, cabaran sebenar bukan sahaja terletak pada undang-undang tetapi pada stigma sosial yang melingkari isu ini dan kekurangan maklumat yang tepat dan mudah diakses oleh masyarakat. Situasi ini menyebabkan ramai wanita yang terpaksa menjalani pengguguran secara rahsia dan sering kali dalam keadaan yang membahayakan nyawa dan kesihatan mereka. Kebimbangan ini memperlihatkan bahawa pendekatan yang selama ini digunakan masih belum memadai dan menuntut langkah yang lebih holistik, melibatkan pendidikan yang lebih meluas, sokongan keluarga serta akses yang baik kepada perkhidmatan kesihatan reproduktif yang selamat dan mesra pengguna.

Isu seks pra-nikah misalnya, yang dahulu dianggap sebagai perbuatan yang hanya wujud dalam cerita-cerita dongeng negatif, kini semakin nyata dan menuntut perhatian serius. Dalam masyarakat Malaysia yang kaya dengan pelbagai budaya dan agama, aktiviti ini sering dianggap bertentangan dengan ajaran agama dan nilai moral tradisional, terutama sekali dalam komuniti Islam yang mendominasi.

Kelakuan seksual dalam kalangan remaja dan belia, termasuk hubungan seks sebelum berkahwin, dikategorikan sebagai antara keutamaan utama dalam bidang kesihatan masyarakat. Hal ini demikian kerana kadar penularan virus imunodefisiensi manusia (HIV), jangkitan penyakit kelamin (STD), serta kehamilan tidak diingini menunjukkan tahap yang membimbangkan. Setiap hari, sekitar 500,000 golongan muda terutamanya wanita muda dilaporkan dijangkiti penyakit kelamin (tidak termasuk HIV). Dalam beberapa dekad kebelakangan ini, sejumlah besar remaja dan belia di kebanyakan negara Barat telah terlibat dalam hubungan seksual pranikah. Tinjauan kebangsaan menunjukkan bahawa kadar hubungan seksual sebelum berkahwin adalah lebih rendah di negara-negara Asia berbanding negara maju. Namun begitu, kajian berskala kecil yang dijalankan secara mendalam terhadap golongan belia menunjukkan bahawa aktiviti seksual dalam kalangan mereka semakin meningkat. Tingkah laku seksual dalam kalangan remaja dan belia bukan sahaja dipengaruhi oleh hormon seksual, tetapi juga oleh faktor psikososial seperti media, rakan sebaya, penggunaan dadah, pengambilan alkohol, serta keadaan keluarga.

PERFECTION IS NOT ATTAINABLE.

**BUT IF WE CHASE PERFECTION,
WE CAN CHASE**

EXCELLENCE.